

# Da Pasi Na Gado





Da prenki na inisei © 2001 na Rose Goodman. Da prenki na fesi, Edwin B. Wallace.  
Meryl Esenwein ben doe dem prenki na tapoesei en na bladzij 10, 12, 14, 16, 27, 29,  
39, 41, 42, 44, 46, 47, nanga 48.

# **GADO BEN MEKI WI GRONTAPOE 1**

## **NANGA ALA LIBI SANI**

**Na bigin Gado ben meki hemel nanga grontapoe.**  
–Genesis 1:1

**Bikasi doro Hem alasan ben meki kaba, dem sani na ini hemel nanga grontapoe.**  
–Kolossi 1:16a

**Oen kisi da blesi foe MASRA, disi ben meki hemel nanga grontapoe. Da hemel, dem hemel srefi, de foe MASRA; ma A ben gi grontapoe na dem pikin foe libisoema.**  
–Psalm 115:15, 16

Di Gado ben gi grontapoe na libisoema, a no ben abi ini-wan foutoe. Leisi da pikin boekoe disi foe leri san ben pasa.

# GADO BEN MEKI OENOE



**En Gado ben taki: Meki Wi meki mansoema leki wan prenki foe Wisrefi, foe gersi Wisrefi; en meki dem de basi...na tapoe heri grontapoe....**

–Genesis 1:26a

## **MANSOEMA BEN TRON WAN LIBI SIELI 3**

**En MASRA Gado ben meki mansoema komopo foe da doti foe da gron, en A ben blo da winti foe libi na ini hem noso; en mansoema ben tron wan libi sieli.\***

–Genesis 2:7

**En MASRA Gado ben taki: A no de boen dati da man sa de hem wawan; Mi sa meki wan jepiman gihem.... En MASRA Gado ben meki Adam fadon na wan dipi sribi, en a ben sribi; en A ben teki wan foe hem seibonjo, en A ben tapoe hem skin baka; En MASRA Gado ben teki da seibonjo disi A ben poeroe foe mansoema, en A ben meki wan oema, en A ben tjari hem kom na da man.**

–Genesis 2:18a, 21, 22

\*Wan libi sieli wani taki dati wi sa de wan presi foe teego.

4

# ADAM NANGA EVA NO BEN GI JESI NA GADO



Noiti wi moesoe arki na da stem foe satan.

**En MASRA Gado ben teki da man, en A ben poti 5  
hem na ini da djari foe Eden, foe wroko hem en foe  
hori hem boen. En MASRA Gado ben komanderi da  
man taki: Joe kan njan so meni leki joe wani foe ibri bon  
foe da djari; Ma foe da bon foe sabi boen nanga ogri, joe  
no sa njan foe hem; bikasi da dei dati joe sa njan foe  
hem joe sa dede foe troe.**

**–Genesis 2:15-17**

**DA SNEKI, DISI WI KARI DIDIBRI EFOE SATAN TOE, BEN  
TAKI DATI JOE NO ABI FOE ARKI NA GADO, EN A BEN LEI.**

**En da sneki ben taki gi da oema taki: Joe no sa dede  
srefsrefi. En di da oema ben si dati da bon ben de boen  
foe njanjan, en dati a ben de moi foe si, en wan bon disi  
joe sa wani foe meki joesrefi kisi koni, dan a ben teki da  
froktoe foe hem, en a ben njan, en a ben gi hem na hem  
masra toe, disi ben de nanga hem, en a ben njan.**

**–Genesis 3:4, 6**

## 6 ADAM NANGA EVA NO BEN MAN TAN NA INI DA DJARI MORO



Foe dat'ede MASRA Gado ben seni hem komopo foe da djari foe Eden, foe go wroko da doti pe hem ben komopo. En A ben poti dem cherub na oost foe da djari na Eden nanga wan faja-howroe disisi de drai lontoe na ibri sei, foe hori waktu gi da pasi foe da bon foe libi.

-Genesis 3:23, 24b



# A BEN DE WAN SARI DEI GI ALA LIBISOEMA 7 DI ADAM NANGA EVA BEN DOE SONDOE



...So leki doro wan mansoema, sondoe ben kom na grontapoe, en doro sondoe, dede ben kom; so dede ben pasa na tapoe ala soema.... – Romeini 5:12

**Wan sani foe membre:**

**Te ibri soema mama meki hem, a abi wan sondoe natuur kaba, en wan dei a moesoe dede, bikasi sondoe tjari dede kom.** (Leisi Romeini 5:12 ete wan leisi.)

**8 DA FASI GADO BEN MEKI FOE  
VERLOESOE WI FOE SONDOE  
BEN DE FOE SENI HEM WAN  
ENKRI MANPIKIN KOM**



Efoe A sa tron wan libisoema,  
dan da Manpikin foe Gado  
ben moesoe kom leki wan  
libisoema baby.

**Bikasi da da heri foeroe foe Gado de tan na ini Hem [Kristus  
Jezus] skin.**

**En a sa meki wan  
manpikin, en joe sa  
kari hem nem JEZUS,  
bikasi A sa verloesoe  
Hem pipel foe dem  
sondoe. –Matteüs 1:21**

–Kolossi 2:9

**LIBISOEMA SKIN-FASI**

**Na bigin da Woortoe ben de, en da Woortoe ben de nanga Gado, en da Woortoe ben de Gado. En da Woortoe ben teki skin-fasi, en A ben libi na wi mindri.**

–Johannes 1:1, 14a

**Now ala disi ben pasa so, foe da pramisi: Loekoe, wan krin wendje sa hori bere, en a sa meki wan manpikin, en dem sa kari Hem nem Immanuël, disi wani taki: Gado de nanga wi.**

–Matteüs 1:22a, 23

**Bikasi wan pikin de gebore gi wi; wan manpikin de gi wi, da wroko foe basi da kondre de na tapoe hem skowroe, en dem sa kari hem nem Wondroe Raiman, da Makti Gado, da Tata foe teego, da Fesiman foe Vrede.**

–Jesaja 9:5

# 10 JEZUS KRISTUS — DA OFRANDI SONDRO FOUTOE GI WI

... Hem disi noiti ben sabi sondoe kwet'kweti ....

— II Korintiërs 5:21

**Hem disi noiti ben doe sondoe.**

— I Petrus 2:22a

No wan ofrandi disi libisoema ben kan meki ben de **BOEN NOFO** (sondro foutoe) foe poeroe sondoe.

**Bikasi a no kan de dati da broe-doe foe man kaw nanga krabita sa poeroe sondoe.** —Hebreeën 10:4

Jezus de da Lam foe Gado. **Loekoe, da Lam foe Gado, disi teki da sondoe foe grontapoe tjari gowe.** —Johannes 1:29b



# **JEZUS BEN GI HEM LIBI ABRA FOE VERLOESOE WI**

**11**

Dem ben spikri Jezus tapoe wan oedoe kruisi bikasi ogri soema no ben lobi hem kwet'kweti. Ma Hem dede ben de da plan foe Gado. Nanga Hem egi fri wani, Jezus ben gi Hem libi abra foe wi ede for verloesoe joe nanga mi foe wi sondoe.

Jezus ben taki, **No wan libisoema kan poeroe hem [mi libi] komopo foe Mi, ma Mi gi hem abra Misrefi. Mi abi krakti foe gi hem abra, en Mi abi krakti foe teki hem baka.** –Johannes 10:18a

## **JEZUS KRISTUS BEN BAI WI BAKA DORO DA BROEDOE FOE DA LAM FOE GADO**

Bikasi oen sabi dati A no ben bai oen baka nanga sani disi kan pori leki sorfoe nanga gowtoe foe oen soso waka ... Ma (A ben bai oen) nanga da diri broedoe foe Kristus, leki wan lam disi no ben abi no wan foutoe efoe flaka. –I Petrus 1:18, 19

**NO WAN TRA ORANDI KAN POEROE SONDOE**

**12** Di wi ben kom regtvaardiki doro Hem broedoe kaba,  
doro Hem si sa kibri gi hatibron toe. -Romeini 5:9b

Masra, membre mi te Joe  
kom na ini Joe kownoe-  
kondre. -Lukas 23:42b

Da foefoe-  
roeman  
disi ben  
bribi tapoe  
Jezus  
Kristus, en  
a ben drai  
hem libi.



**... Foe troe, Mi  
taki gi joe taki:  
Tide joe sa de  
nanga Mi na ini  
paradijs.**

-Lukas 23:43b



Da foefoe-  
roeman disi  
no ben bribi  
tapoe Jezus,  
en so a no  
ben drai  
hem libi.

**Bikasi alwasi wi ben de sondoe soema ete** [no gi jesi na  
Gado] **Kristus ben dede gi wi.** -Romeini 5:8b

**ALA SOEMA DISI BRIBITAPOE DA  
PIKIN FOE GADO ABI LIBI**

**13**

**Bikasi Gado ben lobi ala soema so tee  
dati A ben gi Hem wan enkri gebore Pikin  
abra, foe ibri soema disi de bribi na Hem no  
moesoe go lasi, ma a sa abi da libi foe teego.**

**–Johannes 3:16**

**Hem disi ben verloesoe wi foe da makti foe doen-  
groe, en disi ben froisi wi kom na ini da kownoekon-  
dre foe Hem diri Manpikin. A ben bai wi baka nanga  
Hem broedoe, foe gi pardon na wi sondoe.**

**–Kolossi 1:13, 14**



En da engel ben piki dem oema taki: No frede; bikasi mi sabi soema oen de soekoe, Jezus foe Nazaret, disi dem ben kruisi. A no de dja; bikasi A ben opo baka, so leki A ben taki. Kom, loekoe da presi pe Masra ben didon. —Matteüs 28:5, 6



## **JEZUS BEN OPO BAKA FOE DEDE 15**

**Mi na Hem disi libi, en disi ben dede; en loekoe, Mi libi foeteego. Amen; en Mi abi dem sroto foehel nanga dede.**

–Openbaring 1:18

**Bikasi Mi libi, oen sa libi toe.**

–Johannes 14:19b

Bikasi Kristus ben wini dede, en a abi dem sroto foedede toe, wi no abi foefrede dede moro.

**Da tem disi mi frede, mi sa poti mi vertrouwna Joe tapoe.**

–Psalm 56:4

(Si bl. 46 foedem pramisi foegado.)

## **JEZUS KAN VERLOESOE JOE, EN A BEGI GI JOE TOE**

**Ma da man disi, bikasi A de libi foeteego, ... A kan verloesoe dem na alafasi toe; dem disi kom na Gado dorohem, foedi A libi foeteego foebegi gi dem.**

–Hebreeën 7:24a, 25

# 16 JOE NANGA MI KAN ABI DA LIBI FOE TEEGO



Sortoe pasi JOE sa teki?

Jezus Kristus de da PASI foe doro na da LIBI foe teego nanga Gado.

Didibri de da pasi foe DEDE foe teego.

Da boi disi meki da juisti besroiti foe da libi foe teego.

# **SORTOE BESROITI JOE SA MEKI? 17**

**... Dan tide verkisi soema oen sa dini....**

**–Jozua 24:15**

**Dan verkisi libi, foe joe nanga joe pikin kan libi.**

**–Deuteronomium 30:19b**

## **JEZUS DE DA PASI NA DA LIBI FOE TEEGO**

**En no wan verloesoe de na iniwan tra nem; bikasi dem no ben gi libisoema wan tra nem na ondro hemel disi kan meki wi sieli feni verloesoe. –Tori 4:12**

**Mi, Misrefi na MASRA, en boiti Mi no wan verloesoeman de. –Jesaja 43:11**

# 18 FOE SAN'EDE WI MOESOE VERKISI JEZUS EFOE WI WANI DA LIBI FOE TEEGO?

1. *A de Kristus disi ben kom.*

...Ma Mi ben kom foe gi dem soema libi....



—Johannes 10:10

2. *A de Kristus disi ben lobi wi, en A ben dede gi wi.*

Da Manpikin foe Gado, disi ben lobi mi, en disi ben gi Hemsrefi abra foe mi ede.

—Galaten 2:20b

Jezus ben tron wan libisoema nanga meti nanga broedoe so leki wisrefi abi, Hemsrefi ben teki da srefi fasi toe, so dati do-

**ro da dede A ben sa figi hem disi ben abi da krakti foe 19**  
**dede poeroe, dati wani taki, didibri; En foe verloesoe**  
**dem soema disi ben de na ini katibo dem heri libi langa bi-**  
**kasi foe da frede foe dede. –Hebreeën 2:14b, 15**

***3. Soso da broedoe foe Jezus kan meki wi kom krin foe***  
***wi sondoe.***

**Bikasi a de da broedoe disi meki wan sieli kom boen**  
**baka nanga Gado. –Leviticus 17:11b**

**En da broedoe foe Jezus Kristus, Hem Manpikin, krini wi**  
**foe ala sondoe. –I Johannes 1:7b**

**A ben bai wi baka nanga Hem broedoe, foe gi pardon na**  
**wi sondoe. –Kolossi 1:14**



4. *A de Kristus disi ben opo baka foe dede.*

Bikasi wi sabi dati Kristus, di A ben opo baka foe dede, A no sa dede moro; dede no abi makti na Hem tapoe moro. –Romeini 6:9

Bikasi wi sabi dati efoe wan soema ben dede gi ala soema, dan alamala ben dede. En A ben dede gi ala soema, so dati dem soema disi de libi no moesoe libi gi demsrefi moro, ma dem moesoe libi gi Hem disi ben dede gi dem, en A ben opo baka. –II Korintiërs 5:15

Jezus ben taki, **Bikasi Mi libi, oen sa libi toe.**

–Johannes 14:19b

**5. *Wi moesoe abi da Jeje foe Kristus na wi ini 21***  
***efoe wi sa opo en kisi da libi foe teego.***

***Kristus na oen ini, da hopoe foe glori.***

**–Kolossi 1:27b**

**Ma efoe da Jeje foe Hem disi ben opo Jezus foe dede de libi na oen ini, Hem disi ben opo Kristus foe dede sa gi oen skin libi toe doro Hem Jeje disi de libi na oen ini.**

**–Romeini 8:11**

**LOEKOE BOEN DATI DA JEJE FOE KRISTUS  
LIBI NA JOE INI**

**Efoe iniwan soema no abi da Jeje foe Kristus, a no de foe Hem.**

**–Romeini 8:9b**

## 22 JEZUS LOBI ALA DEM PIKINNENGRE

En A ben teki dem na Hem anoe, en A ben poti Hem anoe na dem tapoe, en A ben blesi dem.

—Markus 10:16



Jezus lobi mi foe troe; Bijbel boekoe taki so.



**Ma Jezus ben kari dem kom na Hem, en A ben taki: 23**  
**Gi dem pikinnengre pasi foe kom na Mi, en no**  
**tapoe dem, bikasi da kownoekondre foe Gado de foe**  
**soema leki dem. –Lukas 18:16**

**So srefi, Gado oen Tata na ini hemel no wani wan foe**  
**dem pikinwan disi moesoe go lasi [lasi foe teego].**  
**–Matteüs 18:14**

Alwasi soema joe de, en pe joe tan, tokoe Jezus lobi joe  
en A ben dede gi joe. Jezus wani joe foe lobi Hem toe. Joe  
kan sori Hem dati joe lobi Hem foe troe te joe gi Hem jesi.

**Efoe oen lobi Mi, hori Mi komanderi. –Johannes 14:15**

**Dem sabi wan pikinnengre srefi nanga san a de doe.**  
**–Spreuken 20:11a**

## 24 FA FOE FENI JOE PASI NA GADO

1. *Joe moesoe sabi dati joe de wan sondari (si bl. 7).*

Bikasi dem alamala ben doe sondoe, en dem mankeri da glori foe Gado. –Romeini 3:23

2. *Joe moesoe kom na Gado doro Jezus Kristus.*

Bikasi wan Gado de, nanga wan mindriman na mindri foe Gado nanga libisoema, da man Kristus Jezus.

–I Timotëus 2:5

Foe dat'ede A [Jezus] kan verloesoe dem na ala fasi toe; dem disi kom na Gado doro Hem. –Hebreeën 7:25a

Jezus ben taki: **En da soema disi de kom na Mi, Mi noiti sa jagi hem gowe.** –Johannes 6:37b

### 3. *Joe moesoe drai komopo foe joe sondoe.*

(Disi wani taki dati joe abi troe sari-hati foe joe sondoe en joe drai komopo foe joe owroe sondoe pasi foe libi.)

**Foe dat'ede, sori sari-hati, en drai oen libi, foe A sa figi oen sondoe poeroe.**  
 -Tori 3:19a

**Masra...hori pasensi nanga oenoe, bikasi A no wani iniwan soema moesoe go lasi, ma dati ala soema sa drai dem libi.**

-II Petrus 3:9

### 4. *Bekenti joe sondoe na Jezus.*



**Ma  
 efoe wi bekenti  
 wi sondoe, A  
 de getrouw en  
 regtvaardiki foe  
 gi pardon na wi  
 sondoe.**

-I Johannes 1:9a

**26** Skrifi da versi foe I Johannes 1:9a disi joe feni na ini dem anoe disi begi tapoe bl. 25:

---

---

---

---

***5. Joe moesoe libi dem sondoe foe joe.***


(Disi wani taki dati joe moesoe fika dem.)

**Da soema disi tapoe hem sondoe no sa feni boen; ma da soema disi bekenti en libi dem sa feni sarihati.**

–Spreuken 28:13

**Libi ogridoe, en doe boen.**

–Psalm 37:27a



**Bikasi doro gnade oen ben kisi verloesoe doro bribi; ... a de da presenti foe Gado; A no komopo foe wroko, so dati no wan soema kan taki nanga bigi-fasi. –Efesi 2:8, 9**

## **6. *Bribi tapoe Jezus Kristus.* 27**

**Efoe joe bekenti Masra Jezus nanga joe mofo, en joe bribi na ini joe hati dati Gado ben opo Hem baka foe dede, dan joe sa feni verloesoe.**  
–Romeini 10:9b

**Bribi na Masra Jezus Kristus, en joe sa kisi verloesoe, joe nanga joe oso.**

–Tori 16:31b

**28**    **7. Aksi Jezus Kristus foe kom na ini joe hati nanga joe libi.**



Joe wawan kan opo da doro foe joe hati en aksi Jezus foe kom na ini. Jezus ben taki: **Loekoe, Mi tanapoe na da doromofu, en Mi naki; efoe iniwan soema jere Mi stem, en a opo da doro, Mi sa kom na ini na hem, en Mi sa njan nanga hem, en a sa njan nanga Mi.**        –Openbaring 3:20

**Ma ala dem disi ben teki Hem, na dem A ben gi krakti foe tron pikin foe Gado, dem disi de bribi na Hem nem.**

–Johannes 1:12

Efoe noiti joe ben begi kaba, en joe abi jepi fanowdoe foe begi, joe kan gebruike da begi na ondrosei leki wan voorbeeld.

**Masra Jezus,**



**Grantangi foe dede tapoe da kruisi foe gi mi pardon foe mi sondoe. Mi abi sari-hati foe ala dem ogri sani disi mi ben doe. Mi aksi Joe nownow foe kom na ini mi hati en tan drape foe teego. Mi bribi dati Joe ben meki mi hati kom krin nownow. Mi teki Joe leki mi egi Verloesoeman en mi Masra.**

**Mi begi na ini da lobi nem foe Jezus,  
Amen**

# 30      **TE JOE ABI JEZUS NA INI JOE HATI, JOE ABI DA LIBI FOE TEEGO**

**Gado ben gi wi libi foe teego, en da libi disi de na ini Hem Manpikin. Da soema disi abi da Manpikin abi da libi.**

—I Johannes 5:11b, 12a

**Da soema disi jere Mi woortoe, en a bribi na tapoe Hem disi ben seni Mi kom... ben abra komopo foe dede kaba go na libi.**


—Johannes 5:24b

**Te joe skin dede, joe sa de nanga Masra Jezus (II Korintiërs 5:8). Disi de Kristus na oen ini, da hopoe foe glori (Kolossi 1:27b).**

**Efoe joe ben aksi Jezus foe gi joe pardon foe joe sondoe, en joe bribi tapoe Masra Jezus Kristus leki joe Verloesoeman, skrifi joe nem na ondrosei.**

---





Leisi versi foe da Bijbel (da Woortoe foe Gado) ibri dei, en kibri dem na ini da moro dipi presi foe joe hati te joe leri spes-roetoe versi uit je hoofd foe jepi joe. (Foeroe de na ini da pikin boekoe disi.)

**Ala Skrifi ben komopo foe da mofo foe Gado, en a de boen foe leri [san joe bribi], foe vermane, foe sori da moro boen fasi, en foe leri gerechtigheid.**

—II Timoteüs 3:16

# INIWAN TEM JOE KAN TAKI NANGA JEZUS DORO BEGI



***Gi Jezus*** grantangi foe ala dem boen sani na ini joe libi. ***Prijse Hem*** foe dem sani disi A ben doe gi joe, en fa A ben verloesoe joe sieli. ***Begi aksi foe iniwan sani disi joe abi fanowdoe.***  
Begi na ini da nem foe Jezus

Dati efoe wi aksi iniwan sani disi de Hem wani,  
A jere wi. –I Johannes 5:14b

Alasani disi oen sa aksi da Tata na ini Mi  
nem, dati A sa gi oen. –Johannes 16:23b

... En begi gi trawan.... –Jakobus 5:16

Begi gi dem soema disi pina oen en soekoe  
oen nanga trobi. –Matteüs 5:44b

# **WAN BEGI DISI JEZUS BEN LERI DEM 33**

## **DISCIPEL FOE HEM**

(Wan discipel de wan soema disi waka na Jezus baka.)

Jezus ben taigi Hem discipel foe begi na da fasi disi:

**Wi Tata na hemel, Joe nem moe de santa! Joe kownoekondre moe kom! Joe wani moe go doro na grontapoe so leki na ini hemel! Gi wi tide da njanjan foe wi! Gi wi pardon foe dem ogri di wi doe, so leki wi toe de gi pardon na dem soema, disi doe wi ogri! No meki wi kom na ini tesi! Ma poeroe wi foe da ogriwan! Bikasi da kownoekondre de foe Joe nanga da krakti nanga glori foe teego. Amen.**

–Matteüs 6:9b-13

Disi de wan begi foe leri uit je hoofd. Foeroe leisi bribiwan begi da begi disi makandra.

# **34 DEM TIEN GEBOD FOE GADO SORI WI FA WI MOESOE LIBI**

(Exodus hoofdstuk 20)

*Dem Fosi Fo Taki Abra Fa Wi Moesoe Lobi Gado*

1. Joe no moesoe abi tra gado na Mi fesi.

2. Joe no moesoe meki wan popki gi joesrefi efoe wan sani disi de gersi wan sani, ... Joe no moesoe boigi joesrefi gi dem efoe dini dem.

3. Joe no moesoe teki da nem foe MASRA joe Gado leki wan soso sani.

4. Membre da sabbat dei, foe hori hem santa.

*Dem Laasti Siksi Taki Abra Fa Wi Moesoe Lobi Libi-soema*

**5. Respeki joe tata nanga joe mama.**

**6. Joe no moesoe kiri soema.**

**7. Joe no moesoe doe soetadoe.** (Soeta taki dati wan man efoe wan oema didon nanga wan soema disi no de hem egi masra efoe hem egi frow.)

**8. Joe no moesoe foefoeroe.**

**9. Joe no moesoe gi wan falsi getuigi agensi joe naaste.**

**10. Joe no moesoe abi bigi ai foe bigi ai foe ... iniwan sani disi de foe joe naaste.**

**WI MOESOE GI JESI NA GADO EFOE WI WANI KISI WAN  
BOEN ANTWOORD NA WI BEGI**

**En alasan disi wi aksi, dati wi sa kisi foe Hem, bikasi wi hori Hem komanderi, en wi doe dem sani disi de boen na ini Hem ai.**

**-I Johannes 3:22**

# 36 DEM TOE MORO BIGI KOMANDERI

## *Lobi Gado*

1. Jezus ben taki gi hem taki: Joe moesoe lobi Masra joe Gado nanga joe heri hati, manga joe heri sieli, nanga joe heri prakseri. Disi de da fosi nanga da moro bigi komanderi.

–Matteüs 22:37, 38

## *Lobi Tra Soema*

2. En da trawan de gersi hem: Joe sa lobi tra soema so leki joe lobi joesrefi.

–Matteüs 22:39

Wi feni ala dem tien gebod (bl. 34 & 35)  
na ini dem toe moro bigi gebod.



**Da Bigi Hoofdstuk Abra Lobi**

(I Korintiërs 13:1-8, 13)

**<sup>1</sup>Alwasi mi taki nanga dem tongo foe libisoema nanga dem engel, efoe mi no abi lobi, mi de leki da bari foe wan pisi kopro, efoe leki da bari foe wan cymbaal. <sup>2</sup>En alwasi mi abi da presenti foe profeti-taki, en mi sabi ala kibri-tori nanga ala koni, en alwasi mi abi so bigi bribi dati mi kan figi dem bergi poeroe, ma mi no abi lobi, mi no de noti. <sup>3</sup>En alwasi mi seri ala mi goedoe foe gi njanjan na dem potiwan, en alwasi mi gi mi skin abra foe dem bron hem, efoe mi no abi lobi, mi no wini noti kwetikweti. <sup>4</sup>Lobi pina langa, en abi boen-hati, lobi no djaroe-**

**38** soe; lobi no opo hemsrefi, en a no sori bigi-membre. <sup>5</sup>Lobi abi boen manieri; a no soekoe sani foe hemsrefi, lobi no kisi hatibron esi, lobi no prakseri ogri; <sup>6</sup>A no prisiri na ini ogridoe, ma a prisiri na ini da waarheid. <sup>7</sup>A verdrage alasani, a bribi alasani, a hopoe foe alasani; a hori doro ini alasani. <sup>8</sup>Lobi noiti lasi gowe; ma foe profetitaki, dati sa tapoe; en foe tongo, dem sa tapoe toe; en foe koni, dati no sa de moro.

<sup>13</sup>Now bribi, hopoe, nanga lobi de tan, dem drie disi; ma da moro bigiwan foe dem na lobi.

## **GADO DE LOBI**

Gado de lobi; en da soema disi libi na ini lobi de tan na Gado ini, en Gado de na hem ini. -1 Johannes 4:16b



## GETUIGI GI TRAWAN

(na oso, na skoro, na kerki,  
na iniwan presi)



Jezus ben taki, **Go na joe oso nanga joe mati,** en taigi dem sortoe bigi boen **MASRA** ben doe gi joe, en fa **A** ben abi sari-hati nanga joe.

—Markus 5:19b

## **40 FA FOE SABI WAN TROE PIKIN FOE GADO**

**Nanga disi ala soema sa sabi dati oen de Mi discipel; efoe oen lobi makandra. –Johannes 13:35**

**Ma da froktoe foe da Jeje de lobi, prisiri, vrede, pasensi, safri-fasi, boenhati, bribi, saka-fasi, foe dwingi joesrefi. –Galaten 5:22, 23a**

## **WAN TROE PIKIN FOE GADO GI TRAWAN PARDON**

**Bikasi efoe oen gi libisoema pardon foe dem ogridoe, dan oen Tata na ini hemel sa gi oen pardon toe. –Matteüs 6:14**

## **7 SANI DISI GADO NO LOBI KWET'KWETI**

**Wan asranti loekoe, wan tongo di taki leitori, nanga anoe disi trowe broedoe di de sondro foutoe; Wan hati disi de denki soso takroe prakseri, foetoe disi de lon esi foe doe ogri; Wan falsi getuigi disi de taki leitori, en da soema disi de zaai trobi na mindri foe dem brada. –Spreuken 6:17-19**

## DEM WROKO FOE DA SKIN:

41

Now dem wroko foe da skin sori demsrefi krin taki: soetadoe, hoeroedoe, fisti-fasi, takroe lostoe, Afgodrei, tovroe-wroko, mandi hori na hati, djaroesoe, faja-hati, stree, prati, falsi leri, Bigi-ai, foe kiri soema, droengoefasi, foe njan en dringi pasa marki, en dem sortoe sani disisi; mi taigi oen now so leki mi ben taigi oen na dem dei na wi baka dati da soema disisi abi da gwentu foe doe dem sortoe sani disisi no sa kisi wan erfenis foe da kownoekondre foe Gado.


–Galaten 5:19-21

No kori oensrefi: dem hoeroeman, efoe dem afgodrei soema, efoe dem soetadoe soema, efoe dem man disisi lostoe tra man, efoe dem sodomiet soema, efoe dem foefoeroeman, efoe dem gridiman, efoe dem droengoeman, efoe dem spotoeman, efoe dem man di soekoe moni ondro tafra, no sa kisi da kownoekondre foe Gado leki wan erfenis.

–I Korintiërs 6:10

GI JEZUS PASI FOE FOEROE JOE NANGA HEM JEJE, EN FOE  
MEKI JOE KOM KRIN

Ma now oen ben wasi kaba, now oen ben kom santa; . . . na ini da nem foe Masra Jezus, en nanga da Jeje foe wi Gado. –I Korintiërs 6:11b



(Leisi Lukas 16:19-26.)

Sabi foe troe dati joe vertrouw tapoe Jezus Kristus. A sa poti joe nem na ini Hem boekoe foe Libi.

En dem ben teki ibri soema disi dem no feni hem nem skrifi na ini da boekoe foe libi trowe na ini da faja-zee.

—Openbaring 20:15

## **JEZUS DE DA WAN ENKRI PASI NA GADO 43**

**Gado ben gi wi libi foe teego, en da libi disi de na ini Hem Manpikin. –I Johannes 5:11b**

**Bikasi dede de da paiman foe sondoe, ma da presenti foe Gado de libi foe teego doro Jezus Kristus wi Masra. –Romeini 6:23**

**Da soema disi bribi na da Pikin abi libi foe teego; en da soema disi no de bribi na da Pikin no sa si libi, ma da hat-ibron foe Gada de tan na hem tapoe. –Johannes 3:36**

**Jezus taki gi hem taki: Mi de da pasi, da waarheid, nanga da libi; no wan soema kan kom na Mi Tata boiti doro Mi. –Johannes 14:6**



Na ini wan visioen na ini Openbaring 21, Johannes ben si wan njoen hemel nanga wan njoen grontapoe.

**En Gado sa figi ala watra-ai poeroe foe dem ai; en dede no sa de moro, efoe sari, efoe krei, efoe skin-hati; bikasi dem fosi sani ben pasa kaba. En da Soema disi ben sidon na da kownoe-stoeroe tapoe ben taki: Loekoe, Mi meki alasani kom njoen.**

–Openbaring 21:4, 5a

Moro fara, Johannes ben si da Santa Foto, da Njoen Jerusalem, saka komopo foe Gado komopo foe hemel. **En da foto ben meki foe lala gowtoe, so krin leki krin grasi. En dem fundamenti foe da skotoe foe da foto ben meki moi nanga ala sortoe diri ston.**

–Openbaring 21:18b, 19a

## **JEZUS BEN GO MEKI WAN OSO KLARI 45 GI IBRI SOEMA DISI BRIBI TAPOE HEM**

**No meki oen hati kom skreki; oen bribi na Gado; bribi na Mi toe. Na ini Mi Tata oso foeroe presi de; efoe a no ben de so, Mi no ben sa taigi oen. Mi go foe meki wan presi klari gi oen. En efoe Mi go foe meki wan presi klari gi oen, Mi sa kom baka, en Mi sa teki oen foe kom na Mi, so dati pe Mi de, drape oen sa de toe. –Johannes 14:1-3**

### **TAIGI TRAWAN DA BOEN NJOENSOE DISI**

**Jezus ben taki, Waka go na ini heri grontapoe, en preiki da boen njoensoe gi ala soema. –Markus 16:15b**

**Da soema disi wini sieli abi sabi. –Spreuken 11:30b**

# 46 WANTOE PRAMISI GADO GI HEM PIKIN

Noiti Mi sa libi oen; noiti Mi sa gowe foe oen.

–Hebreeërn 13:5b

**Bikasi A sa gi Hem engel opdrakti abra joe, foe kibri joe na ini ala joe pasi.**

–Psalm 91:11

**En no wan soema kan poeroe dem komopo foe Mi Tata anoe.**

–Johannes 10:29b

**Mi de nanga oen alatem te leki da kaba foe grontapoe.**

–Matteüs 28:20b

**No frede iniwan foe dem sani disi joe sa pina, ...hori vertrouw te leki oen dede, en Mi sa gi joe wan kroon foe libi.**

–Openbaring 2:10

**Te mi sidon na ini doengroe, MASRA sa de wan leti gi mi.**

–Micha 7:8b

**Kari na Mi, en Mi sa piki joe.** –Jeremia 33:3a





*Ala soema sa opo baka foe dede.*

**Bikasi da joeroe sa kom, te ala soema disi de na ini dem grebi sa jere Hem stem, en dem sa komopo; dem soema disi ben doe boen sa opo baka go na libi; en dem soema disi ben doe ogri sa opo baka go na kroetoe. –Johannes 5:28b, 29**



*Dem soema disi dede na ini Kristus Jezus sa opo fosi.*

**Dan wi disi tan na libi na grontapoe ete, A sa kisi hari go na loktoe nanga dem na ini dem wolkoe, foe miti Masra na ini da loktoe, en so wi sa de nanga Masra foe teego.**

–1 Tessalonika 4:17

**Wakti en begi, bikasi oen no sabi sortoe tem a sa de.**

–Markus 13:33b



## FA JEZUS SA KOM?

Loekoe, A de kom na ini dem wolkoe, en ibri ai sa si Hem, nanga dem soema toe disi ben djoekoe Hem. –Openbaring 1:7a

Loekoe boen foe falsi Kristus nanga falsi profeti. Efoe iniwan soema sa taigi oen taki: Loekoe, Kristus de dja, efoe A de drape, no bribi hem. Efoe dem taki gi oen taki: Loekoe, a de na ini da woestijn, no go drape; loekoe, a de na ini dem kibri kamra, no bribi dati.

–Matteüs 24:23b, 26b

## JEZUS SA KOM WANTEM-WANTEM NA INI DEM WOLKOE FOE HEMEL

Bikasi so leki dondroe-faja sa komopo foe da oost, en koti go te leki da west; so a sa de te Soemapikin sa kom baka. En dan ibri famiri na grontapoe sa sari, en dem sa si Soemapikin saka kom na ini dem wolkoe foe hemel nanga krakti nanga bigi glori.

–Matteüs 24:27, 30b

# DA PSALM FOE DA SKAPOEMAN

(Psalm 23)

**<sup>1</sup>MASRA de mi herder; noti sa mankeri mi. <sup>2</sup>A meki mi didon na ini dem groen sabana; A tjari mi kom na dem tiri watra. <sup>3</sup>A meki mi sieli kisi krakti baka; A tiri mi na ini dem pasi foe gerechtigheid foe Hem nem ede.**

**<sup>4</sup>Ja, alwasi mi waka ini da lagi presi foe da kowroepe foe dede, mi no sa frede wan ogri; bikasi Joe de nanga mi; Joe tiki nanga Joe aka-tiki, dem de troostoe mi. <sup>5</sup>Joe deki wan tafra gi mi na fesi foe mi feanti; Joe salfoe mi hede nanga olie; mi kan de foeroe pasa marki.**

**<sup>6</sup>Foe troe, boen nanga sari-hati sa waka na mi baka ala dem dei foe mi libi, en mi sa tan na ini da oso foe MASRA foe teego.**

Scripture text taken from DA BIJBEL na ini Sranantongo 1997.

---

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.  
**World Missionary Press, PO Box 120, New Paris, IN 46553-0120 USA**



Read booklets online or by App  
[www.wmp-readonline.org](http://www.wmp-readonline.org)

Gratis—Joe no moesoe seri disi

[www.wmpress.org](http://www.wmpress.org)

7-18

2285 Sranantongo WTG

